



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 1. Quid est Testamentum?

urn:nbn:de:hbz:466:1-40993

consentirent in idem, si diversimodè rem intellegerent. 2. Ut res, de quâ contenditur, sit incerta utriusque contrahenti. Alioqui jam non esset æqualitas in spe, & periculo, quæ ad justitiam sponsonis requiritur: nam sponsio est contractus onerosus, quo emitur spes lucrandi periculo perdendi.

Hinc si quis certus de rei veritate, vel even-
tu, aliquid sponso[n]e lucratu[s] est, tenetur id
restituere, etiamsi de sua certitudine alterum
monuisset, qui nihilominus vellet contende-
re: quia hic non vult donare, aut se punire,
sed spondere, eo quod putet rem esse semper
incertam, & falli ab alio: & ideo diligenter
postea veritatem inquirit. Cum autem in
sponsione ematur, & vendatur spes lucri pe-
riculo amittendi, veluti merx pretio: si nul-
lum sit periculum perdendi, nihil emitur, nec
vendiur: ac proinde invalidus est contra-
ctus, sicuti invalida est emptio gemmæ falsæ
pro vera, etiamsi emens monitus fuisset falsam
esse, sed credere noluisset. *De Lugo.*

CAPUT XII.

De Ultimis voluntatibus.

Q. I. *Quid est Testamentum?*

Resp. *Q* Est legitima dispositio de iis, quæ
quis vult fieri post mortem cum institutione
hæreditatis, vel legatarii universalis. *Quod addo,*
quia

quia in Gallia ad testamentum non requiritur hæreditis institutio: imò si fieret, dicitur testamentum à judicibus declarandum esse tritum: quia lex consuetudinaria, ermitit solum institutionem legatarii universalis.

Dividitur in solemne, in quo servantur omnes solemnitates à jure præscriptæ; & in privilegium, quod valet etiamsi non omnes illæ solemnitates serventur, tale est testamentum militare. Solemne subdividitur in scriptum, seu clausum, quod fit scripto coram testibus requisitis; & in nuncupativum, seu apertum, quod fit viva voce coram testibus requisitis, licet postea possit scripto mandari.

Circa solemnitates à jure in testamentis requisitas consuli debent leges, ac locorum consuetudines.

Jure autem Cæsareo ad testamentum scriptum hæc requirentur. 1. Ut hæres claris, & expressis verbis instituatur, illiusque nomen propria manu testatoris scribatur; velsi aliena ipse testator subscribat, & subscriptum, ac involutum ostendat testibus, dicatque in eo suam ultimam voluntatem contineri. 2. Ut adhibeantur septem testes rogati, masculi, puberes, idonei, hoc est, qui non excludantur à jure, quales sunt hæres, Filius familias, furiosi, damnati ob crimen, &c. 3. Ut omnes, & singuli testes nomen suum subscriptant propria manu, & annulo, seu sigillo obsignent. 4. Demum ut id totum in uno eodemque loco,

pore unōque contextu peragatur. l. 21. Cod.
de Testam.

Ad nuncupativum requiritur solum, ut testator suam ultimam voluntatem tam circa hæreditis institutionem, quam circa legata coram septem testibus, masculis, liberis, puberibus, & ad id vocatis declarat, distincta voce, ut possit audiri.

Q. 2. *An testamentum destitutum solemnitate requisita à Jure Civili validum est in conscientia?*

Resp. Circa hoc multiplex est sententia.

1. Docet tale testamentum esse invalidum in utroque foro, ita ut hæres per illud institutus, & legatarius teneatur ante sententiam judicis restituere hæredibus ab intestato. 2. Afferit valere in conscientia, ita ut hæredes ab intestato non possint licetē repetere hæreditatem, vel legatum, etsi adjudicetur ipsis à judice, teneri ad restitutionem, si ipsis constet de voluntate testatoris. 3. Inter has media docet illud nullam parere obligationem civilem, sed solum naturalem, & quidem infirmam, quæ per judicem tolli possit: atque ita non esse omnino invalidum in foro conscientiae, sed valere ad hoc, ut hæreditas, vel legatum possit retineri in conscientia, donec à judice adjudicetur hæredibus ab intestato: neque etiam omnino firmum, quia post sententiam judicis relictæ per illud restitui debent hæredibus ab intestato.

Ita